



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Na osnovu člana 8. i 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine" broj: 49/06 i 51/09), i na osnovu člana 11., 34. i 117. Statuta Grada Zenica ("Službene novine Općine Zenica" broj: 04/08), Grad Zenica putem Službe za komunalne djelatnosti objavljuje:

JAVNI POZIV

ORGANIZACIJAMA CIVILNOG DRUŠTVA/NEVLADINIM ORGANIZACIJAMA SA PODRUČJA GRADA ZENICA ZA PREDAJU PRIJEDLOGA PROJEKATA U SKLOPU RASPODJELE BUDŽETSKIH SREDSTAVA ZA 2026. GODINU

PREDMET JAVNOG POZIVA

Predmet javnog poziva je dodjela bespovratnih finansijskih sredstava iz Programa utroška sredstava iz Fonda za ekologiju za 2026. godinu, u cilju sufinansiranja projekata organizacijama civilnog društva (OCD)/nevladinim organizacijama (NVO) koje su registrovane za djelovanje na nivou Grada Zenica.

CILJ JAVNOG POZIVA I MJERE ZA KOJE SE DODJELJUJU SREDSTVA ZA SUFINANSIRANJE

Cilj javnog poziva je sufinansiranje organizacija civilnog društva (OCD)/nevladinih organizacija (NVO), te poziv istim da dostave prijedloge projekata koji su u skladu sa razvojnim ciljevima, strateškim dokumentima, akcionim planovima i drugim dokumentima Grada Zenica iz sljedećih oblasti:

- 1.1. Mjere na razvijanju i jačanju ekološke kulture i svijesti građana;
- 1.2. Projekti u oblasti upravljanja otpadom;
- 1.3. Projekti s ciljem smanjenja zagađenja zraka;
- 1.4. Zaštita prirode i prirodnih bogatstava;
- 1.5. Zaštita vode i tla;
- 1.6. Projekti s ciljem poboljšavanja energetske efikasnosti.

Za projekte koji budu sufinansirani, dodijeliti će se sredstva u iznosu od 500,00 KM do 5.000,00 KM.

Raspoloživi budžet Javnog poziva: 50.000,00 KM

Opravdanim troškovima smatraju se samo direktni i indirektni troškovi koji su neposredno povezani s provedbom projekta, odnosno ostvarivanjem jednog ili više ciljeva projekta. Opravdani troškovi nisu:

- a) podugovaranje usluga za koje izvršitelj usluge nije nadležan;
- b) plate zaposlenika koji nisu prijavljeni da će raditi na projektu;
- c) svi troškovi za koje ne postoji pokrivenje u ugovorima i računima
- d) troškovi nastali prije potpisivanja ugovora o međusobnim pravima i obavezama tokom realizacije projekata koji se finansira/sufinansira.

Grad zadržava pravo da ne dodijeli sva raspoloživa finansijska sredstva.

Korisnik sredstava je obavezan osigurati adekvatnu vidljivost projekta tokom njegove realizacije i nakon završetka. Vidljivost podrazumjeva informisanje javnosti o aktivnostima i rezultatima projekta, uz jasno navođenje izvora finansiranja.

PRAVO UČEŠĆA:

Učešće u Javnom pozivu je otvoreno, na jednakim osnovama, za sve formalno registrirane OCD-e i NVO-e (udruženje/udruga ili fondacija) na području Grada Zenica koje u Statutu udruženja imaju jasno naznačen angažman u oblasti zaštite životne sredine, u skladu sa važećim zakonskim propisima u Bosni i Hercegovini.

Aplikant može aplicirati za dodjelu ukupnog iznosa projekta ili za dio nedostajućih sredstava, što je dužan navesti u aplikaciji.

Aplikant može konkurisati samo sa jednim projektnim prijedlogom, a projekat može obuhvatiti jednu ili više prioritarnih oblasti, s tim da primarna oblast mora biti jasno naznačena, u skladu sa programskim djelovanjem. Neadekvatni projektni prijedlozi neće biti uzeti u razmatranje prilikom bodovanja i ocjenjivanja projektnih prijedloga, te isti neće biti finansirani.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

NEADEKVATNI PROJEKTNI PRIJEDLOZI:

Projekti koji se neće finansirati po Javnom pozivu:

- a) Projekti udruženja koja nisu izvršila svoje obaveze po ranije odobrenim projektima finansiranim iz budžeta Grada;
- b) Projekti udruženja koja su registrovana manje od godinu dana do dana objavljivanja Javnog poziva;
- c) Projekti koji se odnose na finansiranje redovnih aktivnosti podnosioca projektnog prijedloga ili njihovih partnera;
- d) Projekti koji se baziraju na investicionim ulaganjima, adaptaciji ili izgradnji kapitalnih objekata, ili na kupovinu opreme osim ako je neophodna za uspješnu implementaciju projekta;
- e) Projekti kojima je predviđen dio administrativnih troškova (ljudski resursi, putovanja/prevoz, kancelarijski troškovi) veći od 25% od ukupnih troškova projekta;
- f) Projekti koji predstavljaju individualna sponzorstva/stipendije za školovanje ili za učestvovanje u radionicama, seminarima, konferencijama, kongresima, trening kursovima i sl.;
- g) Projekti koji su usmjereni prema vjerskim aktivnostima i ciljevima;
- h) Projekti koji su usmjereni prema finansiranju aktivnosti političkih stranaka;
- i) Projekti koji su namijenjeni za isključivu dobit pojedinca;
- j) Projekti koji se zasnivaju na dodjeljivanju sredstava trećoj strani;
- k) Projekti koji na bilo koji način diskriminiraju određenu grupu ili pojedinca.
- l) Projekti čije aktivnosti i djelovanje ne spadaju pod prioritetne oblasti za finansiranje koje su obuhvaćene Javnim pozivom.

Projektni prijedlozi s nepotpunom dokumentacijom i dostavljeni izvan predviđenog roka, neće biti razmatrani.

KRITERIJI ODABIRA PROGRAMA I PROJEKATA

Aplikanti koji blagovremeno dostave kompletnu i valjanu dokumentaciju, a u skladu sa Javnim pozivom bit će rangirani u skladu sa kriterijima. Rangiranje će vršiti stručna komisija imenovana od strane Gradonačelnika.

Kriteriji:

1. Pripremljenost projekta u skladu sa zahtijevanim sadržajem programa;
2. Realnost budžeta i vlastito učešće;
3. Referentna lista već implementiranih sličnih projekata;
4. Mjerljivi efekti kao što su: originalnost u pristupu i učinak projekta na okruženje i zajednicu;
5. Kvalitet javne prezentacije i promocije projekta.

PROVOĐENJE POSTUPKA PO JAVNOM POZIVU

Postupak po Javnom pozivu provest će Komisija imenovana od strane Gradonačelnika.

Komisija će izvršiti rangiranje pristiglih prijava, te sačiniti Preliminarnu listu kandidata koji su ostvarili pravo na podsticajna sredstva i istu objavili na Oglasnoj ploči Grada Zenica i na web stranici Grada Zenica.

Učesnici Javnog poziva, koji su nezadovoljni provođenjem postupka i rangiranjem na Preliminarnoj listi mogu u roku od 8 dana od dana objavljivanja Preliminarne liste, uložiti prigovor Komisiji za rješavanje prigovora po Javnom pozivu putem Službe za komunalne djelatnosti.

Nakon razmatranja prigovora, Komisija sačinjava konačnu listu, te istu dostavlja Gradonačelniku na potpis. Na osnovu Konačne liste, Grad Zenica će sa odabranim kandidatima potpisati ugovore u kojima će biti regulisana međusobna prava i obaveze. Komisija zadržava pravo da od predlagača projekata traži dodatna pojašnjenja dokumentacije.

Dodijeljena finansijska sredstva isplaćuju se jednokratno nakon potpisivanja ugovora.

Javnim pozivom unaprijed se utvrđuju postupci za sprečavanje sukoba interesa osoba uključenih u postupak dodjele finansijskih sredstava: u pozivu je potrebno naznačiti da će svaki član komisije biti isključen iz postupka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

Kontrolu utroška dodijeljenih sredstava na osnovu ovog Javnog poziva vršit će Služba za komunalne djelatnosti putem imenovane Komisije. Ukoliko se ustanovi da se dodijeljena sredstva koriste protivno odredbama zaključenog ugovora, Grad Zenica će raskinuti isti i korisnik će imati obavezu da izvrši povrat cjelokupnog iznosa dodijeljenih sredstava.

Nakon završetka projekta odabrani predlagači su **dužni** dostaviti Izvještaj o provedbi projekta o namjenskom korištenju dobivenih sredstava najkasnije do **31.01.2027. godine**.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

OBAVEZNA DOKUMENTACIJA:

Projektna dokumentacija:

- a) Administrativni podaci o podnosiocu prijedloga (Prilog 1) – ovjereno od strane aplikanta (pečat udruženja);
- b) Projektni prijedlog (Prilog 2) – ovjereno od strane aplikanta (pečat udruženja);
- c) Pregled budžeta (Prilog 2.a) – ovjereno od strane aplikanta (pečat udruženja);
- d) Plan aktivnosti (Prilog 2.b) – ovjereno od strane aplikanta (pečat udruženja);
- e) Izjava (Prilog 3.) – ovjereno od strane Službe za opću upravu ili notarska ovjera;
- f) Lista za provjeru (Prilog 4) – ovjereno od strane aplikanta (pečat udruženja);
- g) Izvod iz Registra udruženja i fondacija (ne stariji od 2 mjeseca) - ovjereno od strane Službe za opću upravu ili notarska ovjera;
- h) Rješenje o registraciji organizacije/udruženja (za nositelja projekta/podnositelja i eventualne partnere na projektu) - ovjereno od strane Službe za opću upravu ili notarska ovjera;
- i) Statut organizacije (podnositelj projekta i partneri) - ovjereno od strane aplikanta (pečat udruženja);
- j) Godišnji narativni izvještaj organizacije za prethodnu godinu - ovjereno od strane aplikanta (pečat udruženja).

SADRŽAJ PRIJAVE ZA UČEŠĆE U JAVNOM POZIVU

Prijava na Javni poziv mora biti urađena sadržajno i redosljedom, prema elementima koji se zahtijevaju.

Javni poziv, te cijeli paket prijavnice dokumentacije može se preuzeti sa službene web stranice Grada Zenica www.zenica.ba ili na Info pultu Grada Zenica, Trg BiH 6, 72 000 Zenica, svakim radnim danom u periodu od 07:30 do 16:00 sati.

Pitanja u vezi sa Javnim pozivom mogu se postaviti putem e-maila i telefonski, najkasnije 3 dana prije zatvaranja javnog poziva i to na e-mail: elma.alic@zenica.ba; broj telefona: +38732- 447-816.

Svi dokumenti koji se predaju uz zahtjev moraju biti u formi koja je naznačena u „Obaveznoj dokumentaciji“.

Nekompletni i neblagovremeni zahtjevi se neće razmatrati.

Dokumenti koji se šalju na Javni poziv se ne vraćaju aplikantu.

NAČIN I ROK ZA PODNOŠENJE PRIJAVA

Ispunjena aplikacija (sa kompletnom zahtjevanom dokumentacijom) mora se dostaviti u jednom primjerku u štampanoj formi u zatvorenoj koverti putem pošte ili lično na Protokol Grada Zenica tokom radnih dana (ponedjeljak – petak), u periodu od 07:30 do 16:00 sati, na sljedeću adresu:

Grad Zenica

Služba za komunalne djelatnosti

Komisija za provođenje Javnog poziva organizacijama civilnog društva/nevladinim organizacijama sa područja Grada Zenica za predaju prijedloga projekata u sklopu raspodjele budžetskih sredstava za 2026. godinu

Trg BiH br. 6, 72 000 Zenica, BiH sa naznakom:

„Prijava na Javni poziv organizacijama civilnog društva/nevladinim organizacijama sa područja Grada Zenica za predaju prijedloga projekata u sklopu raspodjele budžetskih sredstava za 2026. godinu -NE OTVARATI-“:

Rok za predaju aplikacija je 15 radnih dana od dana objavljivanja na web stranici Grada Zenica.

Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Vanjska strana koverta mora sadržavati naziv poziva za predaju prijedloga projekata, puno ime i adresu podnositelja projekta, puni naziv projekta i navod: **“Ne otvarati”**.

O primljenoj pošiljci će se voditi uredna evidencija.

Svi aplikanti koji su predali prijedloge projekata, koji su prihvaćeni ili odbijeni bit će obaviješteni u vezi sa prijedlogom projekta, u roku od 30 dana od dana zatvaranja javnog poziva putem liste objavljene na web stranici Grada: www.zenica.ba.

Broj: *02*-19-8835/26

Datum: 30.04.2026. godine

